

ARREST
DE LA COVR
DE PARLEMENT,

POVR LA DESCHARGE ENTIERE DES
loyers des Maisons, du quartier de Pasques, en la Ville
& Faux-bourgs de Paris, Rendu en interpretation de ce-
luy du 10. Avril dernier. Avec Reglement pour les Baux.

Du 14. Avril 1649.



A PARIS,
Par les Imprimeurs & Libraires ordinaires
du Roy.

M. DC. XLIX.
Avec Privilege de sa Maj^{te}.

ROYAUME DE FRANCE

LE MINISTRE DES AFFAIRES ÉTRANGÈRES

LE 15 JANVIER 1872

À M. LE PRÉSIDENT DE LA RÉPUBLIQUE



Par les soins de la Bibliothèque Nationale
du Roy.
M. DE L. X. L. X.



EXTRAIT DES REGISTRES de Parlement.

CE IOUR, la Cour apres auoir veu les Requestes presentées ; l'une par Iean Baptiste Fauier, Iean Veritté & autres, tous demeurans proche & es enuiron du Palais, à ce qu'il fust ordonné que les Baux qui leur auoient esté faits des Maisons où ils sont demeurans, chacun en leur particulier, demeureroient nuls & resolus, & qu'ils demeureroient deschargez des loyers qui ont couru ou courront, si mieux les Proprietaires n'aymoient consentir & accorder la diminution du prix desdits Baux, de moitié, tant pour les termes de Noël, que ceux depuis escheus & qui escherroient iusques à l'expiration desdits Baux, avec defences de mettre lesdits Baux à execution, ny de proceder au transport & vente de leurs biens meubles: Autre par les Habitans des ruës de la Draperie, Barrillerie & Geruais Laurent, à ce qu'ils fussent deschargez de leurs Baux & du payement de la demie année escheuë au iour de Pasques dernier, & les Locataires & Sous-locataires & Chambrelans à proportion: Autre par Iean de la Serre & autres, demeurans en la Cité, tendante à mesme fin: Autre par les Marchands locataires des Boutiques estans dans la Galerie Dauphine du Palais, à ce qu'en payant par eux le

terme escheu au iour Sainct Remy dernier, ils fussent deschargez des deux termes desdits loyers, escheus depuis ledit iour Sainct Remy, iusques au dernier Mars dernier: Autre par les Bourgeois & Habitans de la Ville & Faux-bourgs de Paris, à ce qu'ils fussent deschargez d'une demie année du loyer de leurs Maisons, escheant à Pasques, & qu'il fust sursis à toutes contraintes contre eux: Autre par Florent Martel, Chirurgien ordinaire du Roy en son Artillerie, & autres, tous particuliers Habitans demeurans en l'Isle Nostre-Dame, à ce qu'ils fussent deschargez, chacun à leur égard, des Baux à loyer qui leur auoient esté faits des Maisons qu'ils occupent, pour le terme qui commenceroit au iour Sainct Iean prochain, si mieux n'aymoient les Propriétaires leur faire diminution du loyer, à raison du tiers du prix des Baux, pendant le temps qui restoit à expirer de chacun desdits Baux; & au surplus, qu'ils auroient diminution dudit loyer pour la demie année escheuë au iour de Pasques dernier: Autre par Iean Boulle-nois & autres, tous Artisans & demeurans dans l'Isle du Palais, à ce qu'ils fussent deschargez du payement des loyers qui pourroient estre par eux deubs pour les deux termes escheus à Noël & à Pasques, sauf à eux à se pourvoir, soit pour la resolution des Baux ou autres diminutions, s'il y escheoit: Autre par tous les Locataires des Maisons sises ruës Sainct Honoré, Frementeau, des Bons Enfans, & autres ruës trauersantes au quartier & proche du Louure & du Palais Royal, à ce qu'il fust ordonné, qu'ils demeureroient deschargez du payement des deux termes de loyer

loyers de Noël & Pasques dernier; Et encores de l'execution & entretenement de leurs Baux qui demeureront resolu. Autre par Jean le Moine & autres, tous locataires principaux des maisons basties sur le Pont Marie & les Isles d'iceluy, à ce qu'ils fussent deschargez du payement du Quartier escheu à Pasques dernier, & de celui qui escherroit au jour S. Jean prochain, & en consequence main leuée de leurs biens saisis, & qu'à l'aduenir ils auroient diminution de moitié du prix de leurs baux: Autre par les principaux locataires des maisons qui logent en chambres garnies des ruës des Poullies, du Louvre, du Cocq, de Champfleury, du Chantre, de Jean S. Denys, Frementeau, de Beauuais, & de saint Thomas du Louvre, à ce que leurs baux fussent resolu & eux deschargez de ce qu'ils deuoient des loyers depuis le 15. May dernier. Autre par Antoine le Blond, Pierre Tarbie & autres principaux locataires des maisons scizes rue Neufue sainte Anne & saint Louys proche le Palais, à ce qu'ils fussent deschargez des quartiers des loyers dont ils se trouueroient redevables iusqu'au iour de Pasques dernier, Et qu'à l'aduenir ils auroient diminution de leurs loyers d'un tiers, si mieux les Proprietaires desdites maisons, n'aymoient consentir la resolution de leurs Baux. Autre par Claude Darcque & autres faisans partie des Habitans de la rue Jean Saint Denis près le Palais Royal.

à ce qu'en interpretant l'Arrest du dixiesme Avril
 dernier, ils fussent deschargez des loyers des mai-
 sons par eux occupées pour les deux quartiers
 d'Octobre & Ianuier dernier, du moins ce qui
 reste à payer du premier d'iceux. Autre par Fran-
 çois Baujois & autres, tous tenans à loyer des
 maisons & chambres en cette ville de Paris ten-
 dante à mesme fin. Autre par Toussainct Gillot
 & autres locataires des maisons & boutiques de
 la rue S. Honoré du costé des Halles, à ce qu'ils
 fussent deschargez de moitié du terme de Noel
 & entierremēt du terme de Pasques, Et pour l'ad-
 uenir les baux declarez nuls & resolus, si mieux
 n'ayment les proprietaires' consentir la deschar-
 ge du tiers à l'aduenir; Autre par René Maheut &
 autres, tous principaux locataires de maisons de
 la place Maubert & ez environs, à ce qu'il fut
 ordonné qu'ils auroient diminution entiere d'v-
 ne demie année de leurs loyers escheuz ou à es-
 choir, avec deffenses de les contraindre. Autre
 par Noel Carré bourgeois de Paris, principal lo-
 cataire d'une maison scize place Maubert; à ce
 qu'il fust deschargé purement & simplement des
 trois termes, sçauoir, deux escheus au jour de Pas-
 ques dernier, & celuy qui escherroit à la S. Jean
 prochain, & que le Bail de la dite maison demeu-
 reroit resolu. Autre par Antoine le Grand & au-
 tres, tous Hostelliers & Cabaretiers demeurās en
 la place Maubert & es environs d'icelle, à ce qu'il

fust ordonné, qu'ils seroient deschargez d'une demie année entiere des loyers, outre la diminution portée par les Arrests des dix & douze Avril dernier, Autre par Jean Amestrye dit S. Martin & autres, tous bourgeois de Paris tenans de grands corps de logis en chambre garnie ez ruës Coquillere, bons Enfans, petis-Champs, & vieux Augustins, à ce qu'ils fussent deschargez entiere-ment du quartier de Pasques, conformément à ceux des Faux-bourgs S. Marcel & S. Germain. Autre par les pauvres Bourgeois, Chambrelans de la Ville & Faux-bourgs de Paris, à ce que deffenses fussent faites à tous propriétaires & principaux locataires, de les contraindre au payement du terme escheu au iour S. Remy dernier, & de celui qui est escheu au dernier Mars dernier, desquels ils demeureroiēt deschargez: Et à tous Huissiers & Sergens de les executer en leurs biens. Autre par Louis Hubert & autres, tous pauvres Bourgeois de cette Ville de Paris, demeurant en la Ville Neufue Sur.grauais, les petits Carneaux, aboutissans en la ruë Mont-Orgueil, Cour de Miracle, ruë appellée la ruë neufue S. Sauueur, ruë de Clery, de Bourbon & autres ruës adjacentes sur le chemin qui conduis vers la Nouvelle France & Montmartre, à ce qu'en interpretant ledit Arrest du 10. Avril, qu'ils seroient deschargez non seulement du terme entier de Pasques, mais encore du Terme de la Saint Jean prochain, Veul ledit Arrest du

dixiesme Avril, les Conclusions du Procureur General du Roy sur aucunes d'icelles; La matiere mise en deliberation, LADITE COVR ayant aucunement égard ausdites Requestes, executant & interpretant ledit Arrest du dixième de ce mois & an, A ordonné & ordonne Que tous Marchands, Artisans & Hostelliers & Locataires, pour relouër Chambres Garnies où non garnies, & tous sous-Locataires qui tiennent Boutiques Eschoppes & Maisons, ou partie d'icelles en cette Ville & Fauxbourgs de Paris, demeureront deschargées des loyers du quartier escheu au terme de Pasques dernier seulement, Et pour les loyers deus & escheus auparavant, seront tenus lesdits locataires & sous-locataires les payer dans le mois, pendant lequel sursoiront les contraintes & ventes des meubles pour raison de ce, Et sauf au particuliers à se pourvoir pour la resolution pretenduë des baux pardevant les Iuges ordinaires, auxquels la connoissance en appartient. FAIT en Parlement le quatorziesme Avril mil six cens quarante-neuf.

Signé DV TILLET.

*Collationné à l'Original par moy Conseiller,
Secrataire du Roy & de ses Finances.*